

本館新聞除禮拜外日出一
紙諸君賜閱本報者無論
本埠外埠均可函致本館取
閱如外埠閱報加寄費可
也除日報照常刊送外復不
惜工本從英國採辦釘書機
各機器以待與各官商
刊印書籍單件並有英國各
種活字及各式花邊等延有
西人印工精其精所有中
西文字均能刊印並有石板
印字大小機器均用精工制

申報

第千九百八十七號
本館開設在舊巴口門牌第十四號

印工總絕倫前延有文士書
寫各體文字現由上海購到
各種新式字樣其書目另行
刊佈所有各項價甚相宜再
本館所登來札原擇其有關
世道人心者附登其有不關
礙於人而後始錄其有謬誤
成文以及支離費解者概不
登報嗣後諸君來札尚祈
自諒更須寫明里而後敢
登但來稿登與不登均不能
將原稿收回也 本館謹白

戊子六月初一日

英大一千八百八十八年七月九號禮拜一 (大英一千八百八十八年七月九號禮拜一) 每張售錢五文 每月售銀一元 每日售錢五文 每季售銀三元 每半年售銀六元 每年售銀十二元 凡欲閱報者請向本館或各埠分館接洽可也

所不同近見外埠諸君取閱本報者或有僅一二月之久即為止截其更有取巧者取閱本報迫屆半年開單往收報價之時則竟託詞謂已致函本報着為停寄何以復送前來緣是即欲圖沒報費殊堪痛恨竊思本館之報原期大眾同觀事之濟否不在一人倘不欲賜觀即以一函投諸本館斷無有不為之止截豈有強人看閱之理則此言之詐可知茲特聲明諸君止看本報者必須作函由國家信館寄助投之本館始為准信倘本館未接來函而為派送則不妨再為示教至於取閱報紙必須至一年半年方能止截否即作為零沽當按價索償勿謂言之不預也特此聲明
本館謹白

機器說

溯自西法盛行而機器已通流於斯世凡技藝無不以機器為之其大者如輪船如鎗炮如礦務各事固非機器而不能甚即百工營生亦無不賴乎機器如織布如繅絲如縫紉如香米如鑄木如鑄鐵如抽水如印字一切所需有難盡述其取材於機器者蓋以其事便而功速用廣而製精迥有非人力所能望其肩背者機器之巧殆如是耶夫機器者何轉軸也動也器者何物件也靜也是故以機附器而器不困於器以器用力無一不以機器為宗亦可謂善創矣華人效之為之襲取所長大而軍需小而日用無在不以西人為法亦可謂善因矣然而議者則猶以為不可其言曰西人之向機器也有如鑿破混沌古人云日鑿一簣七日而混沌死矣是之謂歟又曰事勢之不相同也中西之不相襲也西國之工人少價昂固宜用機器以代人而中國之工人多價賤豈宜用機器以奪人力哉聽其議論揆度時宜似亦有可信者而抑知其不然也夫陸則有車也水則有舟也然後民咸利之然則舉人毋亦鑿破混沌者耶車馬之駕也日行數百里人之負重也則不及數十里舟之藉帆也江行亦數百里人之鼓棹也亦不及數十里若放馬而不用轡帆而不挂於馬者然則今日又聞有此三五人而受尊於帆者可知馬雖多而究不害車夫也帆雖多而究不傷舟子也然則機器亦何獨不然哉且人亦未知機器之為用耳夫用機器者未嘗不用人力於其間如取煤等事人力所不能及則以機器副之機器所不能及則以人力濟之然非機器為之導其先路則人力亦無以告厥成功又非人力有以主其維持則機器亦莫由施其巧妙可知機器者不惟不奪人力且人力亦深賴於機器也又如繅絲一事初時人皆以為有害於女紅今而始知一絲一人斷斷續續而織織女手尚費其工然則機器一端又何傷於人事哉且吾於是而更有感焉今天下一機局也人事一機關也無論西人之則雖唐虞之機實亦不得謂其無機自其不機者觀之則雖今日之變通亦不得斥為有機也夫事無機也亦無不機不可以機之心而笑今機之跡不可以機之小而鄙機之大不可以機之拙而斥機之巧不可器之機耶況夫居今之世為今之人倘我之機不及人之機則人逸而我勞人之機高出我之機則人強而我弱其機如此而謂可失乎哉大抵彼以此來我以此往明其所制而後能效其所制而後能制其所制則然則雖出於機而終歸於不機而止也是又奚為不可也耶

諭旨恭錄

○五月初三日奉 上諭楊昌濬奏先賢祠宇告成懇賜匾額一摺福建省城舊有南祠崇祀朱儒楊時歲久頹廢經該督捐倡修規模齊整懸垂久遠着南書房翰林恭書匾額一方交楊昌濬祇領懸挂用示重道崇儒至意欽此○五月初六日戶部題准安關監督期滿一本奉 硃筆這着廣西正考官着王祖光去副考官着崔永安去欽此同日奉 硃筆福建正考官着賈體芳去副考官着呂佩芬去欽此同日奉 上諭禮部奏謝甘肅提督周達武捐田贖族可否賞給匾額一摺周達

蘇呂軍電 ○廿五日英京發來電報云英兵之往攻蘇呂者現在該處招集土兵業與叛軍接戰叛兵大敗惟兩軍之死亡均有甚眾云是亦一場浩劫也

埃事電音 ○數年前有埃蘭蘭省爵臣皆雲尼士及麥士二人在公家花園中被人殺害一案當時英京太晤士日報曾有論及此事謂二人之被害係因埃省議員巴尼路所主便者詎巴閱此報後偽為不知并不為之究問以故常為諸議員所逼謂該報既屬妄言自應告發若不為之控究則其罪顯係真偽等詞巴為衆所迫進退兩難不得不將此事新諸公庭然已遷延數年至前月始為之控告刻接二十五日英京發來電報有謂巴尼路不主名其控而使埃蘭蘭議員鳥多尼路控於公庭據英京律政司駁稱此乃巴尼路黨人之事與鳥無干云云而二十六日復接來電稱律政司已取出一函乃巴尼路所書親筆畫押觀其書中之意則巴尼路顯係斐尼因會之長又有一函乃該爵臣被害後斐尼因會之總理寄與巴尼路者函中有言前者蒙寄百磅之資業經收到云云觀此則顯有可疑若巴尼路未涉是事則寄銀何為然則此案正未悉若何了結也

藉鳴謝悃 ○本館昨接本坡西商公所理事人送來西一千八百八十七年商務總冊一本披閱之下南洋商局了然目中本館深感雲情爰誌數語於報中用藉諸君藉鳴謝悃不盡依依之至

樂郊是適 ○尼士打者荷蘭人也前者旅暹日裡向以種烟為業其於耕植情形最稱稔熟昨由北南輪船言往古達地方將闢地以資墾種此蓋拾其日裡之業而適彼樂郊也因按南洋種植之場多在荷蘭各地方乃近來荷蘭種植烟戶皆紛紛言往北慕娘等處謀生此其故實有兩端一則緣北慕娘所設地理章程之善不若荷之厚賦苛征再則緣荷地備役之艱難其名已播揚遠近人知其故咸畏縮而不前雖出重價以購求之亦多不敢就其僱者然則荷地種植之艱難可見而北慕娘種植諸備皆係華人而華人又甚樂適是鄉無可待重價為之購取況其地已歸於轉則華人前往更可放心蓋英政以平等待民無分畛域一如南洋各埠欸待居民之厚政令既善且土地復饒無論種植何物均甚合宜且該處為古地不惟徒蕃草木且各礦之產甚多藥藥滿山惟待人以爲之開採耳他勿具論即以甘蔗一項觀之其蔗株較諸常蔗甚為瘦小不知者遂以此為無用惟此蔗製糖較諸他處之蔗所出有盈倍之多諸種植家有深悉其情形者故求地開墾甚殷是亦可稱見機之士也

護政假旋 ○本坡護衛司畢公平素勤於政事求治孜孜案牘勞形故政躬時形弗豫聞現已請假回英俾得安閒藉資調攝大抵於西本月二十號即可由郵船回國至其原缺諒由檳城副護衛司巴公為之代理也

香江風雨 ○刻接香港遞來西信云月之十六日陡起颶風之災雷電以風天色為之慘變其風雨至十七晚始輕略略定當其雨驟風狂之際附近海傍之處水入屋各甚深而高處之屋宇則為風所吹塌者計有數間而電報館亦幾為風吹倒幸亟以木撐持故得保全無恙此外屋宇尚多搖搖欲墜者而山礫之崩缺者尤多直有山十陡卸壓於路中往來之人須繞道以爲之避者皇后大道有屋傾塌時適有數人道過遂至被壓斃命為公差等救出男子五名婦人一口均有所傷中有二人受傷尤重恐難調治是亦無妄之災復矣其言如此是亦近年來罕見之災也

劣差繫獄 ○施排埔差館有五百一十一號之巡差魏姓成凡事自執偏見乖謬之行不遵總差訓誨故該總差赴訴於副巡捕官密君前而密君廉得其情故將該差逮於案中於廿六日經太守提訊據情審確遂判罰該差禁監一閱月又該差館有五百零七號之巡差積慮狠貪往往外出梭巡索賄勒費故被其魚肉者曾向副巡捕官密君前赴訴一切密君稽察得實亦將該差逮案於是日太守提案訊鞫以該差招搖勒索劣跡異常復判罰該差禁監三閱月各示重儆而戒效尤云

賭案押候 ○豆腐街口大馬路有一百九十四號門牌於廿二日被拘賭公差等借赴該寓掩捕執有二十一人擄向捕房而去聞諸人係作天師賭局遂為線人偵知通報捕房故該差等潛為拘捕也二十六日經太守提案略訊數語猶未澈底根究未便輕下判詞乃命將案押候至六月初四日再為傳訊云

嚴禁私烟 ○廿五日有海南人某懷有私烟八罐外出暗售道經嘉興街適為一百七十二號之巡丁察覺故偕三百三十七號之巡差攔途拘搜果於懷中獲有私烟甚夥故執逮案二十六日經太守提訊查某所挾私烟八罐計值銀一百六十八元之譜似此冒法漏稅委係異常胆玩遂判罰某英銀五百元罰款不完改禁六閱月以抵厥愆

嚴懲賭徒 ○前數日有拘賭公差等偕赴長其街六十號門牌內拘有甲乙丙丁四人逮案查其被執之由據謂甲等公然設賭顯犯王章惟於所拘之時曾無交博等情第有賭具數事併搜逮案而己於廿六日經府尊堂訊而甲等業延有某狀師代為申訴嗣府尊據情酌理以該宅係甲寓公諸賭具實為甲之所設也雖無交博情事科罪究屬難辭因判罰英銀二十五元以示懲儆至若乙丙丁三人原非赴局相博情有可原遂將乙等當堂開釋以恤無辜而此案遂完

蜜酒出賣



啟者茲本行由歐洲辦到上等密酒
來助發售其酒甚佳茲將標頭印出
諸君光顧祈為細認免致有誤倘
有無恥之徒假冒本行鎖匙標者本
行定必嚴為控究再此酒不能販往
加勝吧 三寶瓏 泗里末
望加錫 檳榔嶼 日裡等處其
他各埠均能運往並此佈聞
大英一千八百八十六年十一月十
六號 三寶 明碼也洋行謹啟




莫實得公司
啟者本行所售洋酒素蒙 諸君雅愛稱譽良多而
本行於仁酒一項尤為出色今特更定善章自後本
行所有沽出之仁酒概用樽裝載而樽之兩傍則有
英字將製酒人之名列出如下所登之英字而每樽
更有稻草包裹以期不至多所損破實為善至此
酒係為本行一家沽出並無別處傳賣諸君有欲購
買此酒者可向本行閱貨議價可也茲將樽傍票字
列登於下 大英一千八百八十八年四月三十號
光緒十四年三月廿日 新嘉坡莫實得洋行謹啟
A. VAN HOBOKEN & Co.
ROTTERDAM.

時表
啟者本店開設在國家信局對門即來安公司之隣專在歐洲督辦
各式時欵鐘表來助發售計有銀表一種最為名貴每枚價銀二十
五元并有大小各式金表甚多均屬當行出色者更有無須表匙自
能上鍊之銀表每枚價銀五元其表甚為堅固至於時鐘則各體俱
備無論掛鐘座鐘以及石質之鐘皆備其鐘皆異常美麗以備諸君
選擇他如金表金匙相盒金表練金戒指等各物甚多不能備錄而
本店并能代 諸君修理鐘表以及風雨針等件甚為精細保能晷
度無訛 諸君惠顧請即移玉 光臨為盼
大英一千八百八十八年四月十七號 模申鐘表店謹啟

馬車出售 ○啟者茲本館有四輪明車一輛前後對坐可容四人其價可值六百元茲特以廉價出沽謹收回價銀一百二十五元甚
屬相宜 諸君有合意者祈早 惠臨看閱為望此佈 大英一千八百八十八年五月九號 巴越館主謹白

機 爐



代中西士商修整各種損壞機器工價格外公道如有 貴客賜顧者請至本
廠面議特此佈聞 西一千八百八十一年十二月廿六號 賴來安公司啟

中外眾國有限保險公司

啟者本公司總局設在香港多年備
有資本銀二百萬元已先收股份人
來銀六十萬元及餘存銀六十萬元
在由係本行代理承保各商貨物銀
項船隻輪帆來往各埠其保價相用
照例所有花紅之銀俟結賬之後按
數分派前一千八百七十八年一
千八百八十年每股得利息銀計五
八仙又一千八百八十年至一千八
百八十二年每股得利息銀計一八
仙諸貴商賜顧者請至本行開相商
可也 大清光緒九年 月 日
英一千八百八十三年八月廿七號
毛質德公司謹啟

啟者現本館
新由上海寄
到活字排板
石印各門書
籍甚多約計
百餘種茲以
廉價發沽諸
尊欲採辦者
請到本館選
購是荷至其
書目太繁不
能殫錄凡富
貴紳士商
士白諸君
可也

西國醫士佛羅斯配製治病滋補氣血藥水能治肝癆肺癆胃弱飲食停滯心悸多驚四肢酸軟身虛羸弱酒色過度等症經馳名於世二十餘年天下各國講究調養者多經購用屢試屢驗此藥水用玻璃樽裝載其如何功用另行布列一紙用華字印刊每樽附送一張用此藥水者每日服三次俱晨午晚膳後乃服每次用一茶匙以冷水或凍茶一酒杯開服須食一博之譜方得見効如蒙 光顧請到中國各口岸西人藥房採買其在本坡則各藥房均有發售如欲多買者則請至然里直洋行對門之新嘉坡藥房即勞未申藥房內參加君處選購大樽每樽分作一百二十八服以銀一元半樽每樽分作六十四服價銀一元此佈

佛羅斯藥水

大英一千八百八十八年正月十八號

美國紐約佛羅斯公司謹啟

線

啟者本行專辦英國費拿士布機房各色上等棉線輾發客



比線輾與線球不同線身光滑於縫衣脚車手車甚為合用每個足長一百碼價甚相宜會經呈請英國考驗幸蒙贊賞并賜金錢羊頭號標為記本行因此線雖久已盛行外國惟亞洲一帶向恐未有周知故特辦此東來俾得利便中華之用 諸君購用始知余語之非虛 貴客光顧請認羊頭號標牌為記

售

庶免有誤 大英一千八百八十七年十一月三十號 香港希士洋行 新嘉坡代理人明馬也公司謹啟


三品酒

啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君沽買本行三品酒者請細認本號招牌之內有小紙包頭註華字新嘉坡明馬也公司者始無誤

賣

若此字樣即屬偽冒請為細認特此佈 聞 大英一千八百八十五年十二月十九號 大清光緒十一年 月 日 明馬也公司謹啟

活俠亞士堅公司告白



啟者本公司向來開設本坡久為中西 商翁所賞識茲承英京末汝公司之命託本公司為該公司駐叻代售機器之人本公司既受所託不得不代為力肩鉅任將該公司辦事之誠製造之美以及貨物之多盡舉以告海內 諸商翁知悉緣該公司向來開設英京歷久無異素為英國人所賞識不特為英國人所賞識又為鄰國人所賞識本特為鄰國人所賞識兼且為天下各國人所賞識蓋因該公司立心持平交遊盡善物料既美製作復精所以能遐邇譽於本國鄰國及天下各國者皆為此也現計該公司所製造之機器甚多筆墨難以盡述更僕不可備數非親至該公司目擊斷不能備詳所見茲不過略舉其大概言之亦存什一於千百中之意耳至該公司現經運到本公司存貯代售其中件數堆積如山邱不可枚舉茲因篇幅太狹不能盡錄以備諸商翁電覽擇其要而通行者略登報端以為 諸君採擇焉如水厚水筒皮帶等其價較別家稍為相宜貨而亦頗別家為特妙請 諸君移至到本公司一觀真有所聞未盡所見之憾不啻遊山陰中道令人接應不暇矣至於本公司又有製造做大警之機器以及水厚等各機器亦是名目太多不能備列謹此奉告尚祈實然賜顧為慰現本廠已遷至工部局貨倉左鄰近復分枝一廠在吉隆坡仙四師爺宮後大馬路至下巴雙河邊橋頭右邊開張以便吉臨 諸君選估機器以及修理機器等事 諸君光臨請移玉趾是荷 大英一千八百八十七年十一月九號 活俠亞士堅公司謹啟

新欸歐洲馬車等件出售

啟者本馬車房自一千八百六十二年開設在小東陵大路邊迄今二十餘年素蒙 諸君惠顧遐邇馳名本車房專代 諸君製造各欸馬車無論四輪雙輪大小明暗各車均能製造所用物料均係上等而抹漆畫線亦皆精妙異常其木料均係選用上等美材且皆預買放乾然後製造故無裂綻變樣之病是則不惟悅目并且耐用與平常所售者不同倘 諸君有命本車房製造各車者懇即惠臨務能如意而本車房并有無用之馬車出售雖曾用過然再加修飾與新製者無殊其車則四輪雙輪大小欸式無不備有以便諸君選購更可代 諸君修理一切車輛其物料概由歐洲預辦充足無須臨時購買故修理甚捷可以起期告竣且價甚相宜倘 諸君有惠顧者其在本坡則可至本車房面商其在外埠則可函知本車房自能備辦并有各車目錄列明以便選購而本車房復有較舊等件出售有服車者有乘坐者其大小雙單各欸俱全此較舊均由歐洲督辦來坡倘 諸君欲更往歐洲採購者本車房亦可為之代辦並能相其馬匹大小配以鞍轡務令合宜即修理舊馬鞍使之重新亦無不可而本車房並有樹乳之踏足墊出售其墊可任剪裁大小均由尊意 諸君購用始知其言之不謬也 再本車房因生理日益加增而不惜重價酬勞如欲知其詳細情形者可至本車房面商便得特此佈聞 大英一千八百八十八年正月十四號 南末兄弟車房司理人麥吉利謹啟

醜醜醜無乳以育幼子故甲則謂買牛乳和冰水以哺之庶莫飲之食之斯免啼飢之慘矣至於廿七日甲忽烹冰水置於桌上第該冰鼎沸異常凝飲俟其稍冷然後和乳以飼厥子惟斯時甲有事他適不暇為之兼顧熟意其女則狼升桌際手扳冰鼎竟溺其沸女之體遂為泡傷焦皮爛額見者生憐女故負痛悲啼不堪寓目迨甲察覺惟自咎其不細乃亟為遣醫敷治所冀藥石有靈庶可無性命之慘耳觀此則有父母之責者出入顧復可不為之加慎乎

興利有效 ○臺灣宜蘭縣鹽商向由官辦每年課金只六千兩去歲歸某商包辦於六千之外已多萬金及是歲莊守齋觀察將鹽處辦每年照繳官課銀二萬四千兩省帥以事出兩便批准在案觀察即于春間接手開辦所用司事人等內應每月薪水八元外糧只有六元一元餘則概歸觀察集股以資墊辦云

聖公在部 ○衍聖公履 觀入都仰蒙 召見 垂詢學問 諭以通經致用為務公奏對稱 旨渥荷 嘉獎聞公係長洲彭文敬公之外孫丰裁英揚年少翩翩現奉太夫人板輿同京謁諸舅氏以叙闊悰而敦誼誼文敬公之哲嗣文孫尚有官部曹者不愧為聖門姻壻也公品學兼優尚未諸鸞鳳之配聞將訂姻於濟甯少司孫氏以聖裔之清貴作樞部之東床相攸之賢無出其右矣公出門乘坐孔雀頂綠呢大轎儀仗鮮明前有四品翎頂引道官一騎先行隨後馬數十匹長安道上士庶人等爭欲識面凡見公之儀容者莫不敬而美之

時症未泯 ○本年西貢地面因雨澤稍遲晴晦較岐以故霍亂時症傳染甚多現下已獲沛甘霖田土沾濡氣候涼爽惟天時仍屬不正與往年氣候大相逕庭以故近日居民尚未復安舒其患染時症而死者實繁有徒殊可慨也

呂宋火災 ○刻接小呂宋遞來消息言日前該處所屬附近濱思魯地方有屋失慎致召祝融稅駕瞬息間已成燎原之勢不可嚮邇核僅半點鐘之久燒燬板屋二百五十棟有奇所燒物業為數甚鉅幸未損傷人口當火之盛也居民搬遷財物紛紛擾擾如避兵燹其風竊狗倫之流則乘機搶掠以至男婦老幼流離失所無枝可棲苦楚情形堪堪惻迨火既滅之後相距不遠某店又遭回祿猶幸附近水濱易於灌救故旋起旋滅也

牲畜患疫 ○小呂宋民間牲口近多疫症以至六畜倒斃幾無孑遺有數省地方牛馬幾致盡絕耕種不便農人殊切隱憂蓋恐田畝拋荒禾稼失收而有饑饉之患深懷危懼咸有戒心也

斬斷情絲 ○某大令敏仕姑蘇歷膺繁劇上年病歿任所眷屬乃過返梓鄉其公子頗有文名翩翩然慘綠少年且不染統傍習氣去秋為之婚娶而當合卺時兩家互相挑剔冰上人幾於舌敝唇焦太夫人因是耿耿於心不甚重視新婦新婦亦嬌生慣養不能井臼操持常奴視新郎不肯憐卿憐我以致閨房之內不能如張京兆之畫眉而脫輻交占時不免於反目一日新婦託言歸寧父母節次遣與往還不肯同惟每逢令節一來向先祠展拜清明節於寒食之夕始至立夏又改為早至暮歸公子展轉籌思絕無生人樂趣計不如斬斷情絲萬縷源跡空門乃密購一領袈裟捲而懷之袖藏利剪賀賀然至向識之某尼庵言欲披剃尼訝甚方欲致詞而公子已將髮簪齊根剪落矣尼無奈慰以好言子信之安坐輿中輿夫疾馳而去竟登公子之堂時尼已致信太夫人見公子默默無言傷人走告新婦家新婦置之不理太夫人信尼言恐係生有夙孽遂託尼廣開道場為之懺悔營觀蒲留仙先生戲臨瀾孫生娶辛氏女為窮婦多其帶狀頭常設難以自衛視察確若寇讐後有比邱前尼至其家為之書符置枕下夫婦遂和好異常今同一足也而但以廣開道場誘人財物不臨如臨瀾尼之易怨稱為佳耦令人忍聞琴耽豈三生石上某公子果未証夙緣歟夫亦見尼之點鐵無技而已

京報選錄 ○頭品頂戴雲南巡撫臣譚鈞培跪 奏為廟祀正神靈應顯著 奏為廟祀正神靈應顯著 奏為廟祀正神靈應顯著

竊據雲南靖府知府全椒續曲壽協副將李運龍署南甯縣知縣楊正清稟稱上年一春不雨入夏仍復亢旱禾苗全枯民情洶洶海該縣龍泉地

方舊有雙龍潭 龍神又曲靖府 城隍之神內夙昭靈應士民祈禱相繼於道該文武等率同紳民恭詣步禱甘霖立沛四野霽足枯苗勃然

遂使秋成中稔民飽粒食園邑士紳同深感戴溯查縣志雙龍潭 神祠嘉慶二年前撫臣江閩督飭駐曲時值大旱詣祠祈禱立沛甘霖奏奉

欽頒澤施南那區領道大藏香二十枝祇祇領縣挂致祭在案等情由布政使會同查明詳請具奏前來臣查廟祀正神實能禦災捍患有功

德於民者向得請頒 御賜匾額今南甯縣雙龍潭 龍神於地方旱災祈求輒應轉歉為豐核與向例相符相應懇 天恩頒賜南甯縣雙

龍潭 龍神暨曲靖府 城隍神匾額各一方交臣等敬謹刊刻懸挂以酬 神貺而順輿情除咨禮部外謹會同雲貴總督臣岑毓英恭摺具

陳伏乞 皇太后 皇上聖鑒訓示謹 奏奉 硃批另有旨欽此 ○廣西巡撫臣沈秉成跪 奏為恭報微臣抵粵接印任事日期叩謝

天恩仰祈 聖鑒事竊臣於七月二十八日欽承 恩命補授廣西巡撫仰蒙 召對三次 訓誨周詳莫名欽感 陛辭後遵即束裝起程行抵廣西准護理撫臣李秉衡飭委桂林府知府蔣兆奎撫標中軍參將張樹勳將廣西巡撫關防一顆暨 王命旗牌文卷等件於十二月二十七日齎送前來當即恭設香案望 闕叩頭祇領任事伏查粵西為邊疆重地兵燹以後元氣未復舉凡察吏安民整軍經武以及防邊籌餉諸大端在在胥爾緊要如臣樸昧深慚弗勝惟有殫竭愚忱披瀝精習於地方營伍一切事宜恪遵 聖訓認真經理固不敢因循將事亦不敢操切圖功以冀稍酬 高厚鴻慈於萬一所有微臣抵粵接任日期並感激下忱除恭疏 題報外謹繕摺仰祈 天恩伏乞 皇太后 皇上聖鑒再臣經過省分地方雨暘時若民情安謐堪以仰慰 宸厪合併附陳謹 奏奉 硃批知道了欽此 ○李鴻章片 再永定河南七漫口關係甚重業經督飭各員及時趕辦堵口挑河工程極大需費甚繁前籌各款尚多不足正苦難於接濟適有內務府兩廣旗人已革二品頂戴花翎候補卿即遺道驍騎參領 上駟院堂郎中 京察一等 記名關差德生情願捐報庫平銀五千兩以濟工賑之用聲稱不敢仰邀獎叙臣查該員德生久在 上駟院何應差使尚無貽誤光緒五年因案革職十二年八月在神機營報捐洋槍奉 諭旨着以內務府員外郎用欽此現聞永定河大工緊要需款艱難竟能捐助鉅資速濟公家之急洵屬見義勇為深堪嘉尚雖職稱不敢邀獎實未便壅於 上聞該員於被議後業蒙 諭旨賞給內務府員外郎是已備用在先與他項革職人員未經錄用者不同今捐助 畿境工賑要需亦與前安徽徽寧池太廣道恭煊報捐豫賑開復之案相符可否仰懇 特恩准將該員德生由員外郎開復原官仍以 上駟院郎中補用之處出自 逾格鴻慈臣為工賑需款孔亟起見除將捐銀飭交工次兌收濟用外理合附片陳請伏乞 聖鑒謹 奏奉 硃批戶部議奏欽此 ○安徽巡撫臣陳彝璣奏為據實甄別劣員以飭吏治恭摺仰祈 聖鑒事竊前欽縣知縣劉家序交代案內欠解徵存正雜各款八百餘兩又書院經費洋銀九百五十餘兩經臣奏奉 旨暫行革職在案續據該員將正雜各款交清結報而書院之九百餘兩自上年秋間迭次稟請寬限措交臣嚴切批示迄今未解一文推原其故自以書院經費不關考成該員將起復改歸部選不再來院遂爾久假不歸不思地方公項無非百姓脂膏此端一開則凡如社義倉穀以及暫棲所有學堂之款皆可充去任官之案叢地方豈復可問該員在官聲名本亦平常書院雖云閑款居心如此臣不敢復存姑息相應請 旨將暫革前欽縣知縣劉家序即行革職仍由臣勒追此項歸款庶貪猾之習稍可挽回於萬一臣為整飭吏治起見是否有當伏乞 皇太后 皇上聖訓示謹 奏奉 硃批劉家序着即革職勒追該部知道欽此

大英欽命新嘉坡輔政使司 為招人承充建做事照得寶龍崗醫院之傍現欲建屋三間以為管事人等住居之所並建女病房一所茲欲招人入票承辦為此特行諭知一切如有願充其役者可於西本月十四號即華六月初六日禮拜六以前入票投交本署每日由上午十點鐘至下午四點鐘均可投遞以備國家選擇不得據價低者得之例至於該屋之形圖及入票之式樣可向量地司署取閱便得凡入票者務須如票填寫勿誤各宜踴躍切切特示 大英一千八百八十八年七月七號 光緒十四年五月二十八日 示

退股聲明 ○啟者星加坡源順街門牌一百三十四號和茂號勿突舖生理係 協茂號 陳文質 楊 盒 葉浩然 葉金榮 黃金水等合創有年至丁亥年和茂公司曾與鼎茂號夥創小坡大井脚鼎和號勿突生理茲因協茂號葉浩然葉金榮三人志欲別圖於本年五月十五日將和茂號生理及與鼎茂號夥創鼎和號生理一概結算將應得股份利銀抽出從今後和茂號鼎和號一切生理來往賬項貨物均歸與陳文質楊盒記黃金水承受營作將來生理盈虧不干協茂號葉浩然三人之事理先佈達免滋後論此啟 大清光緒十四年五月二十六日 大英一千八百八十八年七月五號 退股人協茂號葉金榮葉浩然全啟

貴重私雜物出投 ○啟者茲定于西七月七號即華本月廿八日禮拜六下午一點鐘在附近東陵巴貳拍賣貴重私雜物其物甚多不能備錄此係義慈君之物因其居他處所故為之拍賣 諸君有合意者請如期 玉臨拍買是荷 大英七月三號 巴越館主告白 假冒聲明 ○啟者本店開設在馬車街第廿九號門牌開張義慈器生理已歷有年屢蒙 諸君信託乃近有匪徒竟敢假冒本店圖章向各號賒取貨物人初不知其偽多給與之迨後列單至本號收取其事始敗現除職緝匪徒控究外茲特聲明凡本號如有向 各寶號取貨者須認明圖章若有妄交係為自誤不得向本號索償也特此聲明 大清光緒十四年歲次戊子五月十八日 馬車街萬和芳謹啟

有銀出揭 ○敬啟者茲余有銀一萬元欲行出揭與人須有產產物件作按方可成交利息甚屬相宜 諸君有欲借者請至然里直洋行之後文狀師寫字樓格壁與余相商便得特此佈聞 大英一千八百八十八年六月廿六號 西人經紀勿寧蘭謹啟

敬頌良醫 ○儒醫陳子我於本年桐月中旬初到叻地現在源順街德源號內棲身予亦在此號內舌耕多年故得與陳君萍水相逢前周旋進接矣不意予於數日前適有保薪之憂蒙陳君診脈指示良方吃下立即痊愈非着手成春者亦何能如是乎且陳君品學兼優不但能醫男婦老幼風寒暑濕即外科如癰癤等症亦皆能醫之可計日而愈者予作數語豈阿其所好哉亦唯平情論事有善不敢不揚耳 大清光緒十四年五月十八日 大英一千八百八十八年六月廿六號 西人經紀勿寧蘭謹啟

頌揚醫術 ○余素業外科醫術不知病病不知醫一語心竊疑之逮余於春稍患消渴症便溺如脂初延諸醫調治病益增劇以至求、劉松雲先生診治因途次冒風猝然暈倒幸蒙 先生立施救治能於死裡回生更爲擬方用藥如神不數劑而病全痊愈族人感 先生之恩與余細述且囑余亟往求醫余遂得緣此以識 先生而慶重生者實有天幸也 先生一經診視洞悉病源而疏方投藥週與眾異余心悅誠服自服藥後不啻甘露露心是夕酣然安睡翌日知飢欲食由是安心調理不過旬日而精神復舊矣向使非遇族人相告則余無由而識 先生此即病不醫之誤也近聞 先生在醫社主席日診數十人凡經其醫者莫不應手而痊其所醫治危頑之症甚多足固 先生之高明亦皆由 先生之實效也余感荷良深無從爲報爰勒數言藉鳴犬德云爾 光緒十四年五月廿三日 易廣仁謹啟

法國頂上蜂窠標萬蘭池酒出售



敬啟者茲本公司親由法國督辦頂上好萬蘭池酒來助發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭爲記並細辨香味方不致誤價甚相宜倘有劉伶之癖者祈早惠臨沽買是荷
大英一千八百八十八年六月二十號
大清光緒十四年五月十一日 明碼也公司謹啟

敬啟者本行由小呂宋督辦上庄選葉呂宋烟發售其貨均屬上等並無低貨攙雜且價甚相宜其中每箱有廿五枝者有五十枝者有一百枝者各款俱備香美異常因邇來西人年節將屆用此以作禮儀餽贈最爲合式且能與 諸君代辦小呂宋各貨 諸君賜顧請至土庫花園邊美爾堅洋行之後面與密加釐士打索路店隔鄰本行相酌是荷
大英一千八百八十七年十二月七號
大清光緒十三年 義士連洋行謹啟



英國新出頂上花露水出售 ○啟者本公司所製之花露水及高浪水最爲佳製其香之清而且久非尋常可及素已馳譽歐洲用此水者莫不噴噴稱爲妙品歷經荷蘭領事七次以獎其佳然則其妙處可知茲爲通流故特佈告倘 諸君有欲採辦者祈請函致本公司取討價單便知一切特此佈 聞
大英一千八百八拾七年四月廿五號 加刺安巴馬厘公司謹啟

加刺安巴馬厘公司謹啟

RIGAND'S KANAGA WATER.

列顏干那芽花露水 ○此水係以干那芽花所製其花出自日本國中香冠凡卉乃列顏君在日本探辦載回法京製成此水以故其香甚清而其用亦甚善如皮膚有皺裂等病抹此香水固能愈痊尤可解蚊口之毒若以此香水和水盥洗固能令人肌膚嫩滑顏色光潤且瘡癤不生本藥房製成此種花露水銷流已久遐邇傳揚不料近有德商仿照本藥房所造此水以圖射利其實氣味遠遜迥隔霄壤 諸尊有願買此水者請看以下所列第一款之西字標頭本藥房所用製載此水之樽係有浮凸字樣如下所列第二款之西字註明列顏公司字樣如標各均有刻書號據始爲真貨否則係爲混冒向祈慎購至於各式人等有假冒本藥房花露水或由外處運來或在本坡發售一經本藥房查出定必嚴行控究至本藥房之花露水係託新嘉坡藥房麥加君代售並未開枝別處併此聲明此佈

"KANAGA DEPOSE"

4430.

MORRHUOL.

模好呂解毒藥丸 ○此丸端治虛損吐血花柳傳毒咳嗽哮喘目痛重舌等症其效如神且不惟解毒並且能調和營衛葆養精神現在法英美等國醫士所用花柳敗毒之藥均用此丸無不藥到病除立見春回若服此丸須仿照服魚肝油之法要緩緩吞下必於用飯時吞服一二粒切勿誤爲急吞以背服法此丸係以樽裝載每樽計一百粒現託新嘉坡藥房麥加君處代售此佈
大英十一月八號

SANTAL MIDY, DR. MIDY'S SANDAL OIL CAPSULES.

檀香油藥粒 ○此藥係製成油質以薄皮一重裹作粒形以便易吞而其藥力能端治花柳淫毒白濁白帶癰閉一切等症如症離香痛服之立止而服藥後約歷二三日即見功效但患過重者須每日吞服六次每次吞服二粒至痊愈後宜再服十日庶得消除後患永無根株惟服此藥時宜戒色慾勿自誤致礙藥力之幸勿自誤致礙藥力之不神也現此藥託交新嘉坡藥房麥加君處代售此佈

FRUIT JULIEN.

浮律如里馬藥糖 ○此藥糖係採鮮果之汁加以藥料和製成塊略如糖粒氣味甘佳而其功效較於油爲日無論男女老幼均能服食且其味有如糖果最爲適口尤爲小兒所愛其藥力均可治胆汁太多重舌頭痛鬱結大便不通斑疹血熱血毒以及皮膚疥癢等症服之亦可涼血行滯且能令臟腑潔淨痼疾立除但服之法宜於臨睡時吞服一二粒至翌早飲茶一杯須臾即覺大便通利身軀爽快現此藥託交新嘉坡大藥房麥加君處寄售此佈

實得力保險有限公司告白 ○敬啟者本公司開設以來與諸君受洋面保險及火燭保險等計洋面保險共集老本銀三百萬元現已收銀六十萬元盈餘積項二十萬元所有洋面往來船貨等物均能代保平安 其火燭保險計集老本銀二百萬元現收銀四十萬元所有洋行店戶住屋棧房等均能代保年終核算之時更備花紅分與買保 諸君所得且保價甚屬相宜誠於買保之人有益至本公司章程之佳辦理之善實與他家不同倘 諸君有惠顧者請即移玉惠臨相商便安特此佈聞

大英一千八百八十八年正月二十五號

實得力公司總理人可洛不加謹啟

舊烟上
四百七十三元
新烟上
四百七十三元

叻烏椒 廿三元二角半 白椒上四十元零五角

印度盾	一百元兌	二百廿八盾
-----	------	-------

銀行利息 九八仙

商人三十日開票	一百元貼銀行	一元七角半
---------	--------	-------

廣門 餘行現銀原管百元則餘行 六角二五
商人三十日期票 一百元 七角半

加勝巴銀行現銀一百八十萬

羅細甲末銀行現銀票 一百元值 一百七十九盾半

三、銀元兌現銀票一百五十萬張
一百七十九萬半

商人三十其男	一百八十四盾
銀行現銀額一百元	一百七十九盾三

商人三十日共買一百八十四盾

商人三千日共費 一百八十四盾

打電信 二百二拾五盾半

幣加里吉和銀行利息一百萬便
二百廿六厘半

四百三十日 四百三十日

卷之四 七十四 四 四 七十五

○啟者茲本館之報後日必將出口之
各輪帆船行期詳登凡有輪船之公司行號見報爲之先期佈
告使人周知以便招接載運不無補益毫爲利便之舉但本館
記事浩繁逐一詢問恐或有遺茲擬與本坡凡有輪船各舟諸
公司行號約如遇寶號出口之船某日展輪解纜自有定期務
祈先將船期示知俾本館以便照登則欲附貨搭客者可得先
事而備自無後至之虞不費之利諒 諸君之樂從也再者
諸君送來之稿祈於每日三點鐘以前交到始能照刊若過三
點鐘則本館經已排印不能照錄當俟下日始能錄出尙祈見
諒特此 佈聞 本館謹白

諒特此
佈聞

納閩 豐安 火船 初一日 下午四點 豐源 號

蘇祿龜 又 又 又

蘇六甲 萬里洞輪船 初一日 下午二點 豐興號

吉 又
增 實 又
邊 聯 又
六 甲 輪 又
日 一 月 又
下 千 二 萬 又
示 公 羊 行

麻六甲 海龍 火船 初二日 下午二點 豐興號

白蠟
檳榔嶼
又
又
又
又

又益錫耳倫少船移三日
又丁巳無開

檳榔嶼 奄面那只火船初四日 下午二點 莫實德洋行

英京巴南密輪船 初四日 下午四點 開行

法國之西歸輪船名曰乃低老准于西本月十一號

即華六月初三日禮拜三必能抵叻上落貨訖即
要往西貢香港上海等處矣